



## Universitätsbibliothek Paderborn

### **Acta Ecclesiae Mediolanensis**

Actorvm Ecclesiae Mediolanensis, Pars Tertia - In Qva, Liber Memorialis Ad  
populum Ciuitatis, & Dioecesis Mediolanensis, A Beato Carolo Borromaeo  
Titvli Sanctae Praxedis compositus continetur

**Borromeo, Carlo**

**Brixiae, 1603**

Formula facultatis pro residentibus, vt Missæ celebrandæ onus suscipere  
possint.

**urn:nbn:de:hbz:466:1-10502**

strandum, tenorē præsentium approbamus: illud te admonentes & hortantes in Domino, vt quæ pro recta huius sacramenti administratione, & Prouincialibus ac Diocæsanis Synodis, & proprio etiam instructionum, ac sacramentali huius Ecclesiæ libro cõnotata sunt, diligenter accurateque attendas, & obserues. In quorum fidem &c. Dat.

## Alia eiusdem generis.

**C**AROLVS &c. Dilecto nobis in Christo Presbytero N. His nostris literis poenitentia Sacramentum, in Ecclesia S. N. non tamen Clericis ministrandi tibi facultatem concedimus, ac impartimur: illud te admonentes &c.

## Formula facultatis pro Confessarijs regularibus.

**C**AROLVS &c. Tibi dilecto nobis in Christo F. N. ordinis N. His nostris literis poenitentia Sacramentum in Ciuitate & Diocesi Mediolani, in Ecclesijs tui ordinis, atque etiam grauitæ ægrotantibus, quorum Confessiones tu aliàs audire cõsueueris, in eorum domib⁹, monito tamè prius ipsius ægrotantis Parocho, vbi ægrotudo non sit repentina, aut mortis periculum non immineat (quo casu, ipso etiam non monito volumus idem tibi licere; ita tamen vt quamprimum confessione audita, eundem certiorē facias; testimonio item huiusmodi Sacramenti per te ministrati manu tua subscripto familiaribus infirmi relicto, vt Medico exhiberi possit, ad formam Constitutionis Pij Papæ V. Conciliorumq; tum Prouinc. tum Diocæs.) ministrandi facultatem per . . . . . concedimus atq; impartimur: illud te admonentes, &c.

Hęc tamen facultas non nisi Confessarijs primæ classis conceditur: cæteris enim in sui tantum ordinis, monasterij in quo degunt Ecclesia, dari solet.

## Formula facultatis Missæ sacrum faciendi.

**C**AROLVS &c. Tibi Presbytero N. Cognita per examen litera-

Pars III.

rum intelligentia, & sacrarum cæremoniærū peritia tua, Missæ sacrum in Ecclesia S. N. faciendi facultatem concedimus: quã facultatem per . . . . . tibi suffragari volumus. Dat. &c.

Formula facultatis pro residentibus, vt Missæ celebrandæ onus suscipere possint.

**C**AROLVS &c. Dilecto nobis in Christo Presbytero N. Cùm ex polueris, te nullius Ecclesiastici beneficij, legatue, aut alterius obligationis causa, præterquam Canonicatus, quem obtines in Præpositurali & Collegiata Ecclesia S. N. ad Missæ sacrum faciendum obligatum esse; Nos tibi sic vt afferis, ab omni alia obligatione libero, cognita sacrarum cæremoniarum peritia tua, his nostris literis facultatē damus suscipiendi munus Missæ sacrum faciendi in Ecclesia S. N. ad Altare N. hebdomadibus singulo quoq; mense . . . . . tantum debitum ex . . . . . Id verò tibi concedimus, seruatim conditionibus, quas infra adscripsimus.

Quæ de Missæ sacro ritè faciēdo editis instructionibus decreta sunt, diligenter integreque seruabis.

Officium ritu Ambrosiano omnino recitabis.

Decentem habitum clericalem, & coronam, ad præscriptum Conciliorū nostrorum vbiq; semper deferes.

Pro eleemosina nihil amplius quouis prætextu ob huiusmodi Missæ sacrum faciendi munus hac facultate nostra susceptum percipies, quã ad rationē librarum centum octuaginta singulis annis.

Eamque non nisi cum mandato syngraphæ eius, cui hanc curam dederimus, sigillatim exiges.

Diebus singulis supra præfinitis susceptum Missæ sacrum faciendi munus præstabis: nec verò alibi ijs ipsis diebus Missæ sacrum facies, etiam si illis faciendi munus non suscipias; nisi aliquando, de illius, cui id curæ cõmiserimus, consensu, in locū tuum, ob legitimū impedimentū, etiã infirmitatis, quo detinearis, Sacerdotem alium antea substitueris, qui pro muneris à te suscepti ratione,

N 3 quod



quod ipse debes, id omne in Ecclesia præstet. Nec ex ipsis præfinitis diebus quibus celebrare tenoris; tibi liceat diem etiam vnum subtrahere, siue causa voluntatis, siue te ad aliam Ecclesiam transferendo.

Missæ sacrum ne facias sine ministro clericali habitu induto, eoque decenti, ad præscriptum nostrarum constitutionum.

Stata hora, quam deputatus noster pro temporis ratione præscripserit, Missæ sacrum facies.

In libro, Missis quæ celebrantur in singulos dies annotandis constituto, manu tua singulis ite diebus quibus celebrabis, subscribes, aliter nulla habeat ratio.

In illo Altari Missæ sacrum facies: quod si in alia feceris, absque nostro, seu Deputati consensu ac permisso, perinde in elemosina percipienda censearis, ac si munus quod debes, non præstiteris, ex præscripto Concilij Prouin. Quarti.

In hebdomada tua, aliisque diebus, quibus, aut pro tuo canonicali munere debes, aut sponte pro alio Canonico tibi celebrare contigerit, huc muneri suscepto ne desis; sed per alium Sacerdotem præstes. Idem facies, si alio iure, puta funeralium, siue anniuersariorum celebrabis.

Has autem nostras literas per tantummodo tibi suffragari volumus. Dat. &c.

Alia eiusdem generis pro Parochis.

CAROLVS &c. Dilecto nobis in Christo N. Exposuisti nobis, te neque pij legati, neque ullius eiusmodi obligationis nomine, aliave causa, in vlla quavis Ecclesia, præterquam in Parochiali, vbi Missæ sacrum facias, curæ tantum parochialis munere obstrictum esse. Nos igitur tibi, vt asseris, sic tantum obstricto, Ecclesie tuæ parochialis prouentuum, qui summam librarum . . . sicut affirmas, non excedunt, ratione habita, cognitaque per examen tua & literarum intelligentia, & sacrorum caeremoniarum peritia, his nostris literis facultate damus suscipiendi munus Missæ sacrum faciendi in Ecclesia S. N. in Altari S. N. per hebdomadam diebus . . . debitum ex . . . Quam sanè facultatem

tibi concedimus his conditionibus infra adscriptis.

Quæ de Missæ sacro ritè faciendõ edictis instructionibus decreta sunt, diligenter integreque seruabis.

Decentem habitum clericalem, & coronam, ad præscriptum Conciliorum nostrorum, vbiq; semper deferes.

Pro elemosina nihil amplius quouis prætextu ob huiusmodi Missæ sacrum faciendi munus hac facultate nostra susceptum percipies, quam librarum . . . summam.

Eamque non nisi eum mandato synographave eius, cui hanc curam dederimus, sigillatim exiges.

Diebus singulis supra præfinitis, susceptum Missæ sacrum faciendi munus præstabis: nec verò alibi ijs ipsis diebus Missæ sacrum facies, etiã si illius faciendi munus non suscipias; nisi aliquando de illius, cui id curæ commiserimus, consensu, in locum tuum, ob legitimum impedimentum, etiã infirmitatis, quo detinearis, Sacerdotem alium antea substitueris; qui pro munere à te suscepti ratione, quod ipse debes, id omne in Ecclesia præstet. nec ex ipsis præfinitis diebus quibus celebrare teneris, tibi liceat diem etiam vnum subtrahere, siue causa voluptatis, siue te ad aliam Ecclesiam transferendo.

Missæ sacrum ne facias sine ministro clericali habitu induto, eoque decenti, ad præscriptum nostrarum Constitutionum.

Stata hora, quam Deputatus noster pro temporis ratione præscripserit, Missæ sacrum facies.

In libro, Missis quæ celebrantur, in singulos dies annotandis constituto, manu tua singulis item diebus quibus celebrabis, subscribes; aliter nulla habeatur ratio.

In illo altari Missæ sacrum facies: quod si in alio feceris, absque nostro, seu Deputati consensu ac permisso, perinde in elemosina percipienda censearis, ac si munus quod debes, non præstiteris, iuxta præscriptum Conc. Prouinc. Quarti.

Has autem nostras literas per tantummodo tibi suffragari volumus. Dat. &c.